

唐  
音  
統  
籤

庚籤一僧詩之十六無可唐音統籤卷八百八十七

無可范陽人俗姓賈即島從弟也居天仙寺詩名

亦與島齊集一卷宋志今為二卷

五言律詩一

新年

燃燈朝復夕漸作長年身紫閣未歸日寺門又值  
春掩閨寒過盡出定草生新自有林中趣誰驚歲  
去頻

遊山寺

千峰盤磴盡林寺昔何名步步入山影房房聞水

聲多年人跡絕殘日石陰清自可求居止安閒過  
此生

寒夜過叡川師院

長生推獻壽法坐四朝登問難無強敵聲名掩古  
僧絕塵苔積地栖竹鳥驚燈語默俱忘寐殘窻半  
月稜

宿西嶽白石院

白石上嵌空寒雲西復東瀑流懸住處雛鶴失禪  
中岳壁松多古壇基雪不通未能親近去擁褐媿  
相同

過杏溪寺寄姚員外

門徑衆峰頭盤岩復轉溝雲僧隨樹老杏水落江  
流峽狹有時到秦人今日游謝公多晚望此景在  
南樓

暮秋宿友人房

招我却居宿關門但苦吟秋眠山燒盡暮歇竹園  
深寒浦鴻相叫風牕月欲沉翻嫌坐禪石不在此  
松陰

同劉秀才宿見贈

浮雲流水心只是愛山林共恨多年別相逢一夜

吟晚能持苦節勿謂少知音憶就西池宿月圓松  
竹溪

冬晚與諸文士會太僕田卿宅

從容啓華館驥玉復競蘭是歲茲旬盡良宵幾刻  
殘風迴松竹動人息斗牛寒別後思吟集須一作先

期月再圓

秋暮與諸文士集宿姚端公所居

宵清月復圓共集侍臣遣獨寡區中學空論樹下  
禪風多秋晚竹雲盡夜深天此會東西去堪愁又  
隔年

冬中與諸公會姚端公宅懷永樂殷侍御

柱史靜開筵所思何地偏故人為縣吏五老遠峰

前省漏寒侵樹一作公庭夜落泉會當隨假務一

就白雲禪

冬日喜褚法師往岐陽禮塔迴

久思今忽來斐履滑青苔掃雪從雲起過房禮塔  
迴句留閑夜作禪請暫時開欲作孤雲去此時余  
不才

春晚喜悟禪師自瑠璃上方見過

琉璃師到城談性外諸經下嶺雪霜在近人林水

清苔痕深草履濕布滴銅瓶樂問山中事宵言徹  
曉星

宮池上

迥疏城闕內寒瀉出雲波岼廣山魚到汀閑海鷺  
過泛溝侵道急流葉入宮多移舸浮中沚清宵徹  
曉河

陪姚員外合遊金州南池

柳暗晴波漲衝萍復漱苔張筵白鳥起一作掃岸  
使君來洲島秋應沒荷花晚盡開高城吹角絕驕  
馭尚徘徊

竹溪水晚次神灘阻風

驚風山半起舟子忽停橈  
岸荻吹先亂灘波落更  
跳聽松今欲暮過島或明朝  
若盡平生趣東浮者  
石橋

李常侍書堂

結構因墳籍簷前竹未生  
塗油窻日早閤製愧風  
輕息架蛩驚客垂燈兩過城  
已應窮古史師律孰  
齊名

書馬如文石門居

別業逸高情暮泉喧客亭  
林回天闕近雨過石門



青野果誰來拾山禽獨卧聽  
要迎文會友時復掃  
柴局

禪林寺

台山朝佛隴勝地絕埃氛  
冷色石橋月素光華頂  
雲遠泉和雪溜幽磬帶松  
聞終斷游方念壚香繼  
此焚

題青龍寺縱公房

從誰得法印不離上方傳  
夕磬城霜下寒房竹月  
圓烟殘衰木畔客住積雲  
邊未隱滄洲去時來於  
此禪

經貞女祠

朝霽暮還祈  
開唐復歷隋  
精誠山雨至  
歲月廟松衰  
窺穴龍潭黑  
過門鳥道危  
不同巫峽女  
來往楚王祠

寄和蔡州中丞題蔣亭

遺跡仍一作遺留蔡曲人  
出漢朝門  
溪荒逕在亭  
迥歎峰遙岬  
石欹相對倚一作倚  
窻松偃未凋  
尋思方一去  
豈待使君招

奉和裴舍人春日杜城書事

早晚辭綸綵  
觀農下杜西  
草新池似鏡  
麥暖土如

泥鷓鷯依川息驂騑向野嘶春來詩更苦松韻亦  
含悽

大理正任二十和江淹擬古詩二十章寄示  
不啻迴青眼應疑似碧雲古風真性哲雅道濫朝  
聞活獄威豪右銷時賴典墳如何經濟意未克致  
吾君

奉和段著作山居呈同志三首次本韻

香花懷道侶巾鳥立雙童解印駕鴻內抽毫水石  
中履溫行燒地衣赤動霞風又似潮天去諸僧不  
可同

官辭中秘府，踈放野麋齊。  
偃仰青霄近，登臨白日低。  
折腰窺乳竇，定足涉冰溪。  
染翰揮嵐翠，僧名幾處題。

雙收丹陛跡，獨往亂山居。  
入雪知人遠，眠雲覺俗虛。  
足出巖頂石，纓濯洞中渠。  
只是僧酬答，新歸絕壑書。

酬姚員外見過林下

掃苔迎五馬，蒔藥過中鍾。  
鶴共林僧見，雲隨野客逢。  
入樓山隔水，滴旆露垂松。  
日暮題詩去，空知雅

調重

晚秋酬姚合見寄

新命起高眠江湖空浩然木衰猶有菊燕去即無  
蟬分察千官內孤懷遠嶽邊蕭條人外寺睽阻又  
經年

酬厲侍御秋中思歸樹石所居見寄

三峯居接近數里躡雲行溪去通仙境思歸厭官  
名月從高掌出泉向亂松鳴坐石眠霞侶秋來短  
褐成

贈圭峰禪師

絕壑禪床底泉分落石層霧交高頂草雲隱下方

燈朝滿傾心客路連學道僧半旬持一食此行有  
誰能

贈詩僧

寒山對水廓竹葉影侵堂洗藥冰生岸開門月滿  
牀病多身又老枕倦夜魚長來謁吾曹者呈詩問  
否臧

寄姚諫議

鳴鞭靜路塵籍上諫垣臣函疏封還密爐香立獨  
親篋多臨水作窓宿卧雲人危坐開寒紙燈前起

草頻

寄殿院薛侍御

名高意轉

本一作

閑牆似日

俗一作浮

難攀佐蜀連錢

出朝天獬豸還迴翔歷清院彈奏迴離班僧到休

禪翰開軒復解顏

一作休翰通玄音雷僧畫掩閑

秋日寄厲玄先輩

楊柳起秋色故人猶未還別離何自苦少壯豈能  
閒夜兩吟殘燭秋城憶遠山何當一相見語默此  
林間

秋中聞馬戴游華山因寄

三峯待秋上鳥外掛衣巾獨見無窮境應非暫往

身永寒仙掌路雲柱一作華陽人欲問瓊邊月尋  
思缺復新

秋寄從兄賈島

暗虫喧暮色默坐思西林聽雨寒更盡開門落葉  
深昔同京邑病併起洞庭心亦是吾兄事遲回直  
至今

客中聞從兄島游蒲絳因寄

遙遙行李心蒼野入寒溪吟待黃河雪眼聽絳郡  
砧差期逢缺月訪信出空林何處孤燈下只聞嘹  
唳禽



秋夜寄龍池寺真空二上人

夜來思道侶木葉向人飄  
精舍池邊古秋山月下  
遙磬聲徹幾里雲白已經宵  
未得同居止儵然自  
寂寥

寄興善寺崔律師

沐浴前朝像  
溪秋白髮師  
從來居此寺  
應一作省  
有東池幽石叢  
老片孤松動雪枝  
頃曾聽道語一作  
詔別起遠山思

冬日寄青龍寺源上人

歛履入寒竹  
安禪過漏聲  
高松殘子落  
深井凍痕

生罷磬風枝動懸燈雪屋明何當招我宿乘月上  
方行

金州別姚合

日日西亭上春留到夏殘言之離別易勉以道途  
難山出一千里溪行三百灘松間樓裏月秋入五  
陵看

京口別崔固

積雨晴時近西風葉滿泉相逢嵩嶽客共聽楚城  
蟬宿館橫秋島歸帆張遠田別君還寂寞不似剡  
中年

唐籤一僧詩之十七集無可二 唐音統籤卷十八百八

五言律詩二

送田中丞使西戎同用旗字

朝元下赤墀玉節使西夷關隴風回首河湟雪灑  
旗磧砂行幾月戎帳到何時應盡平生志高全大  
國儀

夏日送田中丞赴蔡州

出守汝南城應多戀闕情地遙人久望風起旆初  
行楚廟繁蟬斷淮田細雨生賞心知有處蔣宅古  
津平

送薛重中丞充太原副使

中司出華省副相晉陽行書答偏州啓等參上將  
營踏沙夜馬細吹兩曉笳清正報胡塵滅桃花汾  
水生

送董正字歸覲毘陵

暫辭舊校去未發見新鴻路入江波上人歸楚邑  
東山遙晴出樹野極暮連空何以念兄弟應思潔  
膳同

送董正字秩滿東歸

朝衣登別席春色滿秦關芸閣吏誰替海門身又

還尋僧流水，僻見月遶林。閒雖是忘機者，難齊去住間。

送呂卽中赴滄州

出守滄州去，西風送旆旌。路遙經幾郡，地盡到孤城。拜廟千山綠，開樓遍海清。一作晴何人共東望，日向積濤生。

送靈武李侍御

霽州天一涯，幕客似還家。地得江南壤，程分碛裏砂。禁鹽調上味，麥穗結秋花。前席回籌畫，清吟塞

日斜

送李騎曹之武寧

一歲一歸寧涼天數騎行河來當塞曲一作盡山  
遠與沙平縱獵旗風卷聽笳帳月生新鴻引寒色  
回日滿京城

送姚宰任吉州安福縣

落絮滿衣裳携琴問水鄉挂帆南入楚到縣半浮  
湘吏散翠禽下庭間斑竹長人安宜遠泛沙上蕙  
蘭香

送宜春裴宰是將軍旻之孫

垂白方為縣從知大父雄山春南去棹楚夜北飛

鴻疊嶂和雲滅孤城與嶺通誰知持惠化一境動  
清風

送沅江宋明府即開府環之孫

初聞從事日鄂渚勳芳菲一遂鈞衡薦今為長吏  
歸人臨流水望雁映楚山飛唯有傳聲政家風重  
發揮

送李長吉之任東井

江盤棧轉虛候吏拜行車家世維城後官資宰邑  
初市餽黃犢賣田躡白雲鉏萬里千山路何日欲

寄書

送李少府之任臨邛

邛南方作尉調補一何卑發論惟公幹承家乃帝  
枝山長風裊棧江蔭石和澌舊井王孫宅還尋獨  
有期

冬夜姚侍御宅送李廓少府

王事圭峰下將還禁漏餘偶歡新歲近惜別後期  
踈雷罷見來吏川昏聊整車獨吟多暇日應寄栢  
臺書

送喻鳧及第歸陽羨

姓字載科名無過子最榮宗中初及第江上難覩



凡月向波濤沒  
荼連洞壑生  
石橋高思在  
且為看  
東坑

送邵錫及第歸湖州

春闕鳥啼罷  
歸慶浙烟西  
郡守招延重  
鄉人慕仰  
齊橋青  
避暑寺  
茶綠隔湖溪  
秉暇知高眺  
微應辨  
會稽

送人罷舉東游

東堂今已負  
况此遠行難  
兼雨風聲過  
連天草色  
乾  
鴻嘶荒壘  
閑兵燒廣川  
寒若向龍門  
宿懸知拭  
淚看

送薛秀才游河中兼投任節中留後

詩古賦縱橫令人畏後生  
駕言遊禹跡知己在蒲

城月一作日射雲烟散風吹草木榮  
孤吟臨寇境莫

欲請長纓

夏日送崔秀才游南

南方山水地念子為貧游  
縱是一作便逢佳景那能

緩一作免旅愁夕陽行遠道  
煩暑在孤舟莫向巴江

過猿啼促淚流

春日送麗處士歸龍山

愛弟直霜臺家山羨獨迴  
出門時返顧何日更西

來柳亦臨關發花應到越開漁舟誰伴上依孺恣  
汾泗

送朴山人歸日本

海霽晚帆開應無鄉信催水從荒外積人指日邊  
回望國乘風久浮天絕島來倘因華夏使一作書  
札轉悠哉

送顯法師往太原講兼呈李司徒

近臘辭精舍并州謁上公路長山忽盡塞廣雪無  
窮講席開晴壘禪衣涉遠風聞經諸弟子應滿北  
門中

送郭公自桂陽赴南海

南行登巔首與俗洗煩埃  
磬罷孤舟發 禪移積瘴  
開中餐湘鳥下朝講海人來  
莫便將經卷 尖方去  
不迴

冬晚姚諫議宅會送元緒上人歸南山

禪客詩家見凝寒 忽告還分題  
回諫筆 留偈出商  
關盤徑緣高雪間 房在半山  
自知麋鹿性亦欲離  
人間

送清散游太白

卷經歸太白 躡藪別羅龕  
若履浮雲上 須看積翠

南倚身松入漢暝  
日月離潭此境堪  
長往塵中事可譜

林下對雪送僧歸草堂寺

殘臘雪紛紛林間起  
送君苦吟行迥野  
投跡向寒雲絕頂晴  
多去遙泉凍未一作  
聞唯應草堂寺高  
枕脫人群

送僧歸中條

夜葉動飄飄寒來語  
數宵卷經歸物外  
轉雪下山椒舊坐  
松杉天難行水石  
遙元戎宗內學應  
就白雲招

賦得望遠山送客歸

遙山寒雨過正向暮天橫  
隱隱凌雲出一作蒼蒼

與一作共水平何時凝  
厚地幾處映孤城  
歸客秋風

裏迴看傷別情

弔從兄島

盡日歎沉淪孤高碣石城  
詩名從蓋代謫宦竟終  
身蜀集重編否已儀薄葬  
新青門臨舊巷欲見永  
無因

安國寺靜居法師故院

一作宿安國簡公院

兩後清涼境因過欲不迴  
井甘桐有露竹迸地多

苔幡映宮牆動香從御苑一作殿來青龍橋徑疏寥  
落有誰開

中秋月

蟾宜天地靜三五對塔藁照耀超諸夜光芒掩衆  
星影寒池更澈露冷樹銷青枉值中秋半長乘宿  
洞庭

雪

松亞竹珊珊心知萬井欺山明迷舊徑溪滴漲新  
瀾客醉瑤臺曙兵防玉塞寒紅樓知有酒誰肯學  
袁安

松

枝怪幹鱗皴烟梢出澗新  
 屈盤高極目蒼翠遠驚  
 人待鶴移陰過陰一作移聽風落子子一作落頻青青寒木  
 外自與九霄隣

蘭

蘭色結春光氤氳掩翠芳  
 過門階覆葉尋澤逕連  
 香晚靜風吹亂亭秋雨引長  
 靈均曾采撷紛掛  
 荷裳

菊

東籬搖落後密艷被寒催  
 爽雨驚新坼經霜忽盡



開野香盈客袖禁蘆沒天杯不共春蘭並悠揚遠  
蝶來

隕葉

遶巷隔溪紅蕭條逐北風別林遺宿鳥浮水載鳴  
蟲石小埋初盡枝長落未終帶霜書麈什閒讀白  
雲中

五言排律

小雪

片片下玲瓏飛揚玉滿終一作路中乍微全滿地漸密  
更無風集物圓方別連雲遠近同作膏凝瘖土呈

瑞下深宮氣射重衣透花窺小隙通  
一作透漏堆  
葉飄秦增舊嶺發漢攬長空迥冒巢松鶴孤鳴穴  
鳥出過三知臘盡盈尺負年豐委積休闌竹稀疎  
漸見鴻蓋沙資澶漫洒海助冲融草木潛加潤山  
河更益雄因知天地力覆育有全功

和賓客相國詠雪詩

近臘千巖白迎春四氣催雲陰連海起風急度山  
來盡日隋堤絮經冬越嶺梅艷疑歌處散輕似舞  
時迴道蘊詩傳鹿相如賦騁才霽添松篠媚寒積  
蕙蘭猶暗漲宮池水平封輦路埃燭龍初照耀巢

鶴乍徘徊簷日瓊光桂墻風粉旋推五門環玉壘  
雙闕對瑤臺綺席陵寒坐珠簾連曙開靈芝霜下  
秀仙桂月中栽卷幌書千帙援琴酒百盃垂休編  
太史呈瑞表中台結夜迷三徑浮光徹九垓茲辰  
是豐歲歌咏屬良哉

寄題廬山二林寺

廬岳東南秀香花惠遠蹤名齊松一作高嶺峻氣比  
沃州濃積岫連何處幽崖越幾重雙流湓隱隱九  
派棹幢幢山限東西寺林交旦暮鍾半天傾瀑溜  
數郡見鑪峯岩並金繩道潭分玉像容江微匡俗

路日杲晉朝松樓運新苞拆梅籬故葉墜嵐光生  
疊砌霞煥發高墉憲籟虛聞狄庭烟黑過龍定僧  
仙嶠起逋客虎溪逢渡落齒揚戶荒涼種杏封塔  
留紅舍利池吐白芙蓉画壁披一作雲見禰衣對  
鶴唳喧經泉滴瀝沒履草丰茸翠竇散攀乳苔橋  
側杖筇撰奇盈夢想搜峭滌心肖冥奧終難畫登  
臨惜未從上方薇蕨滿歸去養垂慵

贈王將軍

勳高絕少年分衛玉堦前雄勇明王重溫恭執友  
賢功書唐史滿名到虜庭偏劍彩浮龍影衣香襲

御烟搜書秋霽閣走馬夕陽田急免投淡草喚鷹  
下半年野人盈一作迎邸第朝客醉盤筵位在將軍  
列官隨憲府遷刻心思報國吁氣欲開邊選帥如  
公議須知少比肩

書事寄萬年瀛員外

帝城皆劇縣令尹美居東遂拜趙張下暫離星象  
中擁歸從北闕送上動南宮舉起盆中日驅行草  
上風不驚盧大一作閭吠漸見夏臺空紫禁黃山  
遠滄溟素澹通封疆親日月邑里出王公逐盜千  
門啟興祥五稼豐胥徒迎曉集賦稅共秋終條教

閨天道歌謠入聖聰  
土膏寒麥覆人海  
盡塵蒙  
解宇松連翠朝街火  
散紅文場新桂茂  
粉署舊蘭崇  
留客揮盈爵袖毫  
詠早鴻公典諸文士賦早鴻詩也  
前驅潘岳  
貴故里邵平窮  
初隱蓮峰久期耕  
樹谷同素約同  
樹鳧飛將去  
葉劍氣尚埋豐  
何必華陰土  
方垂拂拭功

寄羽林盧大夫

將軍直禁闥  
繡服耀金羈  
羽衛九天靜  
英豪四塞知  
望雲回朔鴈  
隔水射宮麋  
播國無歸思  
秋堂夢戰時  
門風荀氏敵  
劍藝霍家推  
計日旌旄下  
蕭蕭

萬里隨

送姚中丞赴陝州

二陝周分地，恩除左掖臣。  
門闌開幕重，槍甲下天新。  
夾道行霜騎，迎風滿草人。  
河流銀漢水，城蹙鐵牛神。  
意氣思高謝，依違許上陳。  
何妨向紅旆，自與白雲親。

送李使君赴瓊州兼五州招討使

分竹雄兼使，南方到海行。  
臨門雙旆引，隔嶺五州迎。  
猿鶴同枝宿，蘭蕉夾道生。  
雲垂前騎失，山豁去帆輕。  
雨霧蒸秋岸，潮濤震夜城。  
政閑開迥閣，歌枕

島風清

送韓校書赴江西

車馬東門別揚帆過楚津  
花繁期到幕雪在已離秦  
吟落江沙月行飛驛騎  
塵猿聲孤島兩草色五湖  
春折葦鳴風岫遙烟起暮  
蘋鄱江連郡府高興寄何人

送杜司馬再游蜀中

為客應非願愁成欲別時  
還游蜀國去不惜杜陵期  
劍水啼猿在關林轉棧遲  
日光低峽口雨勢出峨眉  
川迴遲棧角山開識遠夷  
勿令雙鬢髮併向



錦城衰

送姚明府赴招義縣

濠梁古縣城結束赴王程  
道路攜家去波濤隔月  
行車臨芳草下吏踏落花  
迎暮郭山遙見春洲鳥  
不驚風烟譙國遠桑柘楚田平  
何以書能化長淮  
徹海清

七言律

題崔駙馬林亭

宮花野藥半相和  
藤蔓參差惜不科  
織草連門留  
徑細高樓出樹見  
山多洞中避暑青苔滿地上吟

詩白鳥過更買太湖千片石  
疊成雲頂綠嵯峨

七言絕句

御溝水

鑿禁疏雲數道開  
垂風岸柳拂青苔  
銀波玉沫空池去  
曾歷千巖萬壑來

唐籤一僧詩之十八

二人同卷

唐音統籤卷

八百八十九

栖白越中僧前與姚合交後與李洞曹松相贈答

宣宗朝嘗居薦福寺內供奉賜紫詩一卷

宋志詩棠嘗

贈詩云閑身却不閑日日對天願已住城中寺難

窺海上山似譏張喬吊栖白詩從茲高塔寺惆悵

或其內講時示化此寺歟

西北黃雲暮聲七畫角愁陰山一夜雨白草四郊

秋亂雁鳴寒渡飛沙入廢樓何時番色盡此地見

芳洲

八月十五夜翫月

尋常三五夜不是不嬋娟及至中秋滿還勝別夜  
圓清光凝有露皓魄爽無烟自古人皆望年來又  
一年

尋山僧真勝上人不過

松下禪栖所苔滋徑莫分青山春暮見流水夜深  
聞不坐看心石應隨出定雲猿猴非可問岩谷自  
空曠

贈李漢秀才

南居古廟溪高樹宿山禽明月上清漢騷人動楚  
吟數篇正始韻一片補亡心孤憤歎何謝雲波不

可尋

送石秀才

正是歎羈游知音拜楚侯何須辭遠道自可樂扁舟  
倚棹江洲兩圍猿島嶼秋謝家山水興終日待  
詩流

送造微上人游五臺及禮本師

有作養生詩者誤

寒空金錫響欲過渭陽津極目多來雁孤城少故人  
與師雖別久於法本相親又對清涼月中宵語  
宿因

送禪師宗極歸玉峰

背郭去歸宿，頭陀意頗濃。  
鶴爭栖遠樹，猿闖上孤峰。  
夜成經霜月，秋城過雨鐘。  
由來無定止，何處訪高蹤。

送僧歸舊山

談空與破邪，獻壽復榮家。  
白日一作百生得何偈，青天落幾花。  
傳燈皆有分化俗，獨無涯。  
却入中峰寺，還知有聚沙。

送圓仁三歲歸本國

家山臨晚日，海路信歸杭。  
樹滅渾無岫，風生只有潮。  
歲窮程未盡，天末國仍遙。  
已入閩王夢，香花境

外邀

送王鍊師歸嵩嶽

飄然綠毛節香去洛城端隔水見秋嶽兼霜掃石  
壇一溪松色古半夜鶴聲寒迥與人寰別勞生不  
可觀

壽昌節賦得紅雲表夏日

宣宗實錄帝以六月二十二日生號

是日為壽昌節李洞贈師詩祝堯漢我句旋馬海濤東指此詩寫播逸也

景候融七陰氣潛如峯雲共火相兼霞光捧日登  
天上丹彩乘風入殿簷行逐赤龍千歲出明當朱  
夏萬方瞻微臣多幸逢佳節得賦殊祥近御簾

或問此詩赤龍云云豈用漢景見赤龍之祥生武帝故事耶余曰如此則千歲字屬補卷矣五金生五色龍赤金千歲生赤龍見河圖緯此諫紅雲言雲之行速赤龍千歲出對句則咏夏日也簡阿師用事用字可草也  
未許淺人註脚

### 經廢宮

終日河聲咽暮空烟愁此地畫濛濛  
錦帆東去沙侵苑玉輦西來樹滿宮  
魯客望津天欲雪朔鴻離嶼葦生風  
那堪獨立思前事回首殘陽雉堞紅

### 贈識古法師

重城深寺講初休却憶家山訪遠游  
對月與君相逐夜聞聖教我獨驚秋  
雲心杳杳難為別鶴性蕭



蕭不可留遙想孤舟清渭上飄然帆影起離愁

月夜懷劉秀才

獨夜相思但自勞阮生吟罷夢雲濤此時小定未  
禪寂古塔月中松磬高

寄南山景禪師

萬首作元  
字詩誤

一度林前見遠公靜聞真語世情空至今寂寞禪  
心在任起桃花柳絮風

哭劉得仁

得仁出入塲屋三十  
年卒無所成而逝

為愛詩名吟至死一作此風魂雪魄去難招直須桂

子落墳上生得一枝完始消

庚籤一之一二

知玄字後覺姓陳氏眉州人多才行道著撰甚富

文宗嘗召入內殿宣宗署為三教首座僖宗賜號

悟達國師文筆歌詩二十餘卷見高僧傳今存詩

三篇質寧云李義山以弟子禮奉玄後駕玄真者義山能拂侍立焉

五歲咏花高僧傳云玄祖父皆名場不捷誕

嘆不憚曰吾育此子望他日成名今必從空門中始願矣

花開滿樹紅花落萬枝空唯餘一朵在明日定隨

風

祝克詩武宗好道德陽節三教會講玄作仙術忤旨又貢祝克詩五章其末章上

意稍解

注天本自生天業未必求仙更得仙鶴背傾危龍背滑君王且住一千年

答僧澈

澈公玄弟子於青龍寺開講  
德玄旨義寄呈所見因答詩

親君法苑思冲虛使我真乘刃有餘若使龍光時  
可待應憐僧肇 成初五車外與知難敵九趣多  
才恐不如蕭寺講軒橫淡蕩帝鄉雲樹正扶疎幾  
生曾得閣瑜意今日堪將貝葉書一振微言冠千  
古何人執卷問吾廬

庚籤一僧詩十九同人

唐音統籤卷八十百

尚顏字茂聖俗姓薛尚書能之宗人也出家荆門

工五言詩端靜寡合而價譽自彰游京師名公爭

識其面復歸岳麓創新居橘洲終為集五卷宋志今

存一卷薛能擅詩名無所與謀唯於顏公許待優

僧為吾技異每吟其警句曰吾不喜顏為僧喜有詩

為供奉未幾謝去自故太傅相固韋景福開顏入都

四十餘人皆賦詩別陸相公希声時為給事中立

序云天賦其才迥超名華調序云其詩不入声相

直以清寂景構成音清以和氣剛以達冷然若懸

言興

兀兀被吟牽，因師賈浪仙。  
江山風月處，一十二三年。  
雅頌在於此，浮華致那邊。  
猶慚功未至，謾道近千篇。

江上秋思

品彙誤作尚志詩

到來江上久，誰念旅游心。  
故國無秋信，隣家有夜砧。  
坐遠翻不睡，愁極却成吟。  
即恐鬢連鬢，還為白所侵。

匡山居

無才加性拙，道理合藏蹤。  
是處非深遠，其山已萬重。  
經時隣境戰，獨夜隔雲春。  
昨日泉中見，常魚亦

化龍

夷陵即事

不難饒白髮相續是灘波避世嫌身晚思家乞夢  
多暑衣經雪著凍硯向陽呵豈謂臨歧路還聞聖  
主過

紫閣隱者

天高紫閣侵隱者信沉沉道長年兼長雲溪草復  
溪如非禪客見即是獵人尋北笑長安道埃塵古  
到今

與陳陶處士

鍾陵城外住喻似玉沈泥道直貧嫌殺神清語亦  
低雪深加酒債春盡減詩題記得曾邀宿山茶獨  
自携

譽王嵩隱

一生吟興僻方見業精微事若經難得鄉應不易  
歸亂收西日葉凄掩北風靡合國諸卿相皆曾着  
布衣

懷陸龜蒙處士

布褐東南隱相傳繼謝敷高譚夫子道靜看海山  
圖事免傷心否暮逢敵手無閩中花數內獨不見

葛蒲

寄華陰司空侍御

劍佩已深高茅為嶽面亭詩猶少綺美画肯愛丹青  
換筆修僧史焚香閱道經相邀來未得但想鶴  
儀形

送陸肱入關

舟行復陸行始得到咸京准擬何人口吹嘘六義  
名亂山遙減翠叢菊早含英衣錦還鄉日他時有  
此榮

送劉必先



力進憑詩業心焦闕問安遠行無處易孤立本來  
難楚月船中沒秦星馬上殘明年有公道更以命  
推者

寄方干處士

格外綴清詩詩名獨得知閑居公道日醉卧牡丹  
時海島和濤望山僧帶雪期仍聞稱處士聖主肯  
相賞

寄劉逸士

無愁無累者偶向市朝游此後乘孤艇依前入亂  
流高眠歌聖日下釣坐清秋道不離方寸而能混

俗求

送獨孤處士

萬里去非忙，惟攜貯藥囊。  
山家消夜景，酒肆過年光。  
立鶴洲侵浪，喧蜚壁近床。  
誰人臨上路，乞得變髭方。

早春送人歸洛陽

久食主人魚，春來復舊居。  
遠無千里浪，輕有半船書。  
過片晴雲淡，消殘暮雪虛。  
岳陽多異境，搜思勿令踈。

冬暮送人

長安冬欲盡又送一遺賢醉後情渾可言休理不  
然射衣秦嶺雪搖月漢江船亦過春魚夏回期信  
有蟬

送徐道人東游

長安人擾。獨自有關心海上山中去風前月下  
吟引猿秋果熟藏鶴晚雲淡易姓更名數難教弟  
子尋

自紀

諸機忘盡未忘詩似向詩中有所依遠境等閑交  
祝覓空山容易杖藜歸清商一一居林叫白鳥雙

雙避釣飛欲画淨名居士像焚香願見陸揆微

懷智栖上人

臨水登山自有期不同游子暮何之間眠默坐身  
堪賞已去還來事可知林鳥隔雲飛一餉草虫和  
雨叫多時思君最易令人老倚檻空吟所寄詩

峽中酬荆南鄭準

五代史補準為荆南成帥  
推官長于宴奏後與帥不

合請解職帥  
殺之中建

山齋西向蜀江濱四載安居復有群風颺勢高猶  
可見雪猿聲苦不堪聞新詩寫出難勝寶破初披  
行却類雲海喜訴流賓客說元瑜刀筆潤雄軍

寄荆門鄭準

傳衣傳鉢理難論  
綺靡銷磨二雅尊  
不許姓名留月觀  
終携瓶錫去雲門  
牕間掛燭通宵在  
竹上題詩隔歲存  
珍重荆門鄭從事  
十年同受景升恩

將欲再遊荆渚留辭歧下司徒

竹錫銅瓶配衲衣  
殷公樓畔偶然離  
白蓮幾著從開日  
明月長吟到落時  
活計本無桑柘潤  
疎慵尋有水雲資  
今朝回去精神別  
為得頭廳宰相詩

贈村公

袖衣木突此鄉尊  
白盡鬚眉眼未昏  
醉舞神遊隨

鼓笛聞歌聖代和兒孫黍苗一項垂秋日茅棟三  
間映古原也笑長安名利處紅塵半是馬蹄翻

秋夜吟

梧桐兩畔夜愁吟抖擻衣裾鮮色侵枉道一生無  
繫着湘南山水別人尋

句

浸浸三楚白渺渺九江寒

雪吟寒  
雜錄

子蘭昭宗朝文章供奉集一卷

宋志

短歌行

日月何忙忙出沒住不得使我勇壯心少年如頃

刺人生石火光通時少於塞四季倏往來寒暑變  
為賊偷人向上花奪人頭上黑

飲馬長城窟

游客長城下飲馬長城窟馬嘶聞水腥為沒征人  
骨洗盡骨上土不洗骨中冤空流嗚咽聲  
中疑是言

華嚴寺望樊川

品彙作澗  
史詩談

萬木葉初紅人家樹色中疎鐘搖雨脚秋水浸雲  
容雪磧回寒鴈村燈促夜舂舊山歸未得生計欲  
何從

登樓憶友

物象遠濛濛，周迴極望中。  
帶烟千井樹，和磬一樓風。  
月色寒沈地，波聲夜颺空。  
登臨無限趣，恨不與君同。

贈行脚僧

世界曾行遍，全無行可修。  
炎涼三衲共，生死一身休。  
片斷雲隨體，稀疎雪滿頭。  
此門無所著，不肯漸滌留。

觀棋

拂局儘消時，能因長路遲。  
點頭初得計，格手待無



疑寂然親遺景凝神入過思共藏多少意不語兩  
相知

夜直

大內隔重牆多聞樂未央燈明宮樹色茶煖禁泉  
香鳳輦通門靜雞欲入漏長宴榮陪御席話密近  
龍章吟步彤庭月眠分玉署涼欲粘朱紱重頻草  
白麻忙筆力將群吏人情在致唐萬方瞻仰處晨  
夕面吾皇

秋日思舊山

咸言天上繁華豈謂帝城巖旅十點五點殘螢千

聲萬聲秋兩白雲江上故鄉月下風前吟處欲去  
不去遲日未展平生所行

與道侶同於水陸寺會宿

論道窮心少有朋此時清話昔年曾柿凋紅葉鋪  
寒井鵲墜霜毛着定僧風逆遠聲秋澗水竹穿溪  
色夜房燈出門盡是勞生者只此長閒發個能

寄乾陵楊侍郎

冷落官資不覺貧司曹且共內官分步量野色成  
公業點檢樵聲入奏聞陵廟路因朝去掃御爐香  
每使來焚碑寒樹古神門上管得無窮空白雲

識貧

多求待心足未足旋傾覆明知貪者心求榮不求  
辱

城上吟

古塚密於草新墳侵官道城外無閑地城中人又  
老

襄陽曲

為憶南遊人移家大堤住千帆萬帆來盡過門前  
去

晚景

池荷衰頹菊芬芳策杖吟詩上草堂  
滿目暮雲風捲盡那樓寒角數聲長

登樓

邊色鴻聲一例秋大波平日遶山流  
故人千里同明月畫夕無言空倚樓

河梁晚望

水勢滔滔不可量漁舟容易泛滄浪  
連山翠靄籠沙渚白鳥翩翩下夕陽

同

雨添一夜秋濤濶極目茫茫似接天  
不知龍物潛

何處魚龍盡鳴滿檻前

長安早秋

風舞槐花落御溝  
終南山色入城秋  
門門走馬徵兵急  
公子笙歌醉玉樓

長安傷春

霜隕中春花半無  
狂游恣飲盡堯徒  
年年賞翫公卿輩  
今委溝塍骨漸枯

悲長安

何事天時禍未回  
生靈愁悴苦寒灰  
豈知萬頃繁華地  
強半今為瓦礫堆

太平里尋兵部裴郎中

不語淒涼無限情  
荒階行盡又重行  
昔年住此人  
何在空見槐花秋外生

對雪

密密無聲墜碧空  
霏<sub>々</sub>有韻舞微風  
幽人吟望搜  
辭處飄入牕來落硯中

千葉石榴花

一朵花開千葉紅  
開時又不藉春風  
若教移在香  
閣畔定與佳人艷態同

鸚鵡

翠毛丹觜乍教時，終日無憀似憶歸。  
近來能解人言語，亂向金籠說是非。

蟬二首

獨蟬初鳴古槐枝，委曲悲涼漸續遲。  
雨後忽聞誰最苦，異鄉孤館憶家時。

衰柳蟬吟傍濁河，正當殘日角聲和。  
尋常不是少愁思，此際閒時愁更多。

庚部一之十五

可止姓馬氏，范陽房山人。風神峭拔，戒節孤高。該博之外，尤長近體律詩。乾寧中進詩，昭宗賜紫。後

唐明宗令住持洛京長壽寺署號文智大師有三

山集

見高僧傳云詩三百五十一篇志失載今存詩九篇 傳云景福中

詩三篇宰相孫渥趙鳳和馬商孫學士嘗夢微侍即符蒙李詳皆與之倡和其樊川長老一詩尤流傳

口人

### 山居

雪消春力展花漫洞門出果長纖枝曲巖崩直道  
移重猿圍淺井闌鼠下踈籬寒食微燈在高風勢  
徹破

### 贈樊川長老

瘦顏顴骨見滿面雪毫坐石鳥疑死出門人謂



癡照身潭入楚浸影檜生隋太白曾經夏清風涼  
四肢

寄積麥山會如長老

默然如大道塵世不相關青檜行時靜白雲禪處  
閑貧高一生行病長十年顏夏滿期游寺尋山又  
下山

送僧

四海無拘繫行心興自濃百年三事初萬里一枝  
筇夜減常晴影春消過雪蹤白雲深處去知宿在  
何峰

哭賈島

燕生松雪地蜀死墓山根詩僻降今古官卑悞子  
孫塚欄寒月色人哭苦吟魂墓兩滴碑字年年添  
鮮痕

雪十二韻

落處咸過尺偷然物象淒瑞凝金殿上寒甚玉關  
西澗比江河普明將日月齊凌雲花頂膩鎖徑竹  
梢低出谷樵童怯歸林野鳥迷煮茶融破練磨墨  
染成鬣陷兔埋平澤和魚凍合溪入樓消酒力當  
搵寫詩題道路依憑馬朝昏委托鷄洞深猿作族

松亞鶴移栖及夏清岩穴經春溜石梯豐年兼泰  
國天道育群黎

積舍遇雨

三絕作清  
江者誤

空門寂寂淡吾身溪雨微日洗客塵卧向白雲情  
未盡任他黃鳥醉芳春

小雪

落雪臨風不厭看更多還恐蔽林巒愁人正在書  
窻下一片飛來一片寒

送婁羅門僧

雪嶺金河獨向東吳山楚澤意無窮如今白首鄉

心盡萬里歸程在夢中

句

不知誰會喃喃語必向王前報太平

中山節度王處直座咏白

鵲時諸侯兼併王欲繼好息民故云高僧傳

唐籤一僧詩二十三

唐音統籤卷

八百九十一

齊已俗姓胡名得生潭之益陽人出家大馮山同

慶寺復棲廬嶽東林後欲入蜀經江陵高從誨慕

其名留為僧正居之龍興寺不獲已受其供養卒

於管內有白蓮集十卷今編十一卷

五代史補云

司物牛以竹枝画牛背為詩象僧奇之勸令出家

與賈休同師石霜宣和書譜云已工詩道善行

書頸有瘡人號為詩囊史補文云已攜詩謁鄭

谷有早梅詩前村溪雪裏昨夜散枝開谷曰數枝

非早不若一枝佳自是士林以谷為齊已一字師

禹諸人皆與之游東野性輕忽服已詩每見為

悚然紀事云唐明宗長子從榮好作歌詩府僚

高華與已善已常以詩往還通於從榮已自題

詩云敢言梁太子傍揀碧雲流謂此也後從榮敗

詩云

輦謀言涉媿疑者皆疎累已先有中枝詩云東林  
 莫擬漸高勢四海正看當路時幾以此陷禍賴高  
 令公遜而獲免孫光憲白蓮集序畧曰師趣尚  
 孤潔詞韻清潤晚歲亦復高遠冷峭與皎然實一  
 並驅風騷之迹晚歲留滯渚宮雖出入朱門不移  
 素履常以舊梅東林為念門人西文編集見授爰移  
 題為白蓮集歸之廬岳附遠大師文集述為輝光  
 已白蓮集宋志十卷序錄云共詩八百篇趙玄  
 度藏有宋本止五卷許四百七篇  
 餘亡補一百篇俟博洽者終成之

四言古詩

啄木

啄木啄啄鳴林響  
 竅貪心既緣利  
 觜斯鑿有朽百  
 尺徹虫斯宅以啄去害啄更彌劇  
 層崖豫章聳幹  
 蒼口無縱爾啄摧我棟梁

五言古詩

黃雀行

獲雙野田雀上下同飲啄  
暖去栖蓬蒿寒歸傍籬  
落殷勤避羅網乍可遇鷗鷖  
鷗鷖雖不仁分明在  
寥廓

割腸龜補

爾既能於靈應久存其生  
爾既能於瑞胡得建其  
死割腸徒自屠曳尾復何累  
可憐濮水流一葉泛  
莊子

耕雙補

春風吹蓑衣暮雨滴箬笠夫婦耕且勞兒孫饑對  
泣田園高且瘦賦稅重復急官倉鼠雀群只待新  
租入

魚父補

夜釣洞庭月朝醉巴陵市却還歸君山下魚龍窟  
邊睡生涯在何處白浪千萬里曾笑楚臣迷蒼黃  
洞羅水

荆渚疾中因思匡廬遂成三百字寄梁先輩  
生老病死早聞大竺書相隨幾汨沒不了堪歎  
獻自理自可適他人誰與祛應當入寂滅乃得長



銷除前月已骨立今朝還貌舒披衣試步履倚策  
聊躊躇江月青眸冷秋風白髮踈新題憶剡碁  
約懷匡廬張野人絕跡樂天曾卜居空龕掩薜荔  
瀑布歎蟾蜍古檜鳴玄鶴涼泉躍錦魚狂吟樹蔭  
耿縱踏花蕪菘屑舌旣已開心脾亦散聽松窻有  
偃息石徑無趨起夢冷通仙闕神融合太虛千峰  
皆靄際萬壑明清初長往期非晚半生閑有餘依  
劉未 詠訪戴寧忘諸稽古堪求已觀時好笑渠  
埋頭逐小利沒脚拖長裾道種將閑養情田把藥  
鉏幽香發蘭蕙穢莽摧丘墟敢謂囊盈物那言度

滿儲微烟動晨爨細雨滋園蔬癖亂珍禽羽門稀  
長者車冥機坐兀兀著履行徐徐每許親朱履多  
憐奉隼襍簪嬗紅玳瑁社念金芙蓉海內競鐵馬  
篋中藏絳驢常言謝時去此意將何如

七言古詩

善哉行 補

大鵬刷翮謝溟渤青雲萬層高突出下視秋濤空  
渺瀰舊處魚龍皆細物人生在世何容易眼濁心  
昏信生死願除嗜慾持身輕攜手同尋列仙事

輕薄行 補

玉鞭金鐙驕驄蹄橫眉吐氣如虹霓五陵春暖芳  
草齊笙歌到處花成泥日沉月上且鬪鷄醉來莫  
問天高低伯陽道德何唾唾仲尼禮樂徒卑栖

苦熱行補

離宮劃開赤帝怒喝起六龍奔日馭下土熱七若  
煎黃蒼生惶惶無處處火雲崢嶸焚次寥東臯老  
農腸欲焦何當一兩蘓我苗為君擊壤歌帝堯

古劍歌補

古人手中鑄神物百鍊百淬始提出今人不要強  
研磨蓮鐔星文未曾沒一彈一撫聞錚錚老龍影

奪秋澄明何時得遇英雄主用爾平治天下去

還人卷補

李白李賀遺機杼散在人間不知處聞君收在美  
容江日鬪蛟人織秋浦金梭軋軋文離離吳娃越  
女羞上機鴛鴦浴烟鸞鳳飛澄江晚影餘霞輝仙  
人手持玉刀尺寸寸酬君珠與璧裁作霞裳何處  
披紫皇殿裏深難覓

觀李瓊處士画海濤補

巨鰲轉側長鱗翻狂濤顛浪高漫漫李瓊奪得造  
化本都盧縮在秋毫端一揮一畫皆筋骨澗瀆崩

騰大鯨臬葉樣仙槎擺欲沈下頭應是驪龍窟昔  
年曾夢涉遼瀛唯聞撼動珊瑚聲今來正歎陸沈  
久見君此畫思前程千尋萬派功難測海門山小  
濤頭白令人錯認錢塘城羅剎石底奔雷震

長短句

巫山高

巫山高巫女妖兩為暮兮雲為朝楚王憔悴魂欲  
消秋猿嗥嗥日將夕紅霞紫烟凝老壁千岩萬壑  
花皆坼但恐芳菲無正色不知今古行人行幾人  
經此無秋情雲深廟遠不可覓十二峰頭插天碧

行路難補

行路難君好看驚波不在懸懸間小人心裏藏崩  
湍七盤九折寒嶠嶮翻車倒蓋猶堪出未似是非  
唇舌危閣中潛毀平人骨君不見楚靈均千古沉  
冤湘水濱又不見李太白一朝却作江南客

君子行補

聖王不生麟龍何瑞梧桐不高鳳凰何止吾聞古  
之有君子行藏以時進退求已榮必為天下榮耻  
必為天下耻苟進不如此退不如此亦何必用虛  
偽之文章取榮名而自美

苦寒行補

水峰撐空寒蟲蟲而凝水凍埋海陸殺物之性傷  
人之欲既不能斷瘳藜荆棘之根株又不能展鳳  
凰麒麟之拳弱如此則何如為和煦為膏雨自然  
天下之榮枯融融於萬戶

猛虎行補

磨爾牙錯爾爪狐莫威兔莫狡飢來吞噬取腸飽  
橫行不怕日月明皇天產爾為生獰前村半夜聞  
吼聲何人按劍燈熒熒

浮雲行

天野有賢人大朝有聖君如何彼浮雲掩蔽白日  
輪安得東南風吹散八表外使天下人共見充眉  
彩

昇天行 補

身不沉骨不重驅青鸞駕白鳳幢蓋飄搖入冷空  
天風瑟瑟星河動瑤闕參差阿母家樓臺虛閉凝  
彤霞三五仙子乘龍車堂前碾爛蟠桃花迴頭却  
顧蓬山頂一點濃風在深井

宴雲曲 補

紅嵯峨燥晚波垂龍慵卧早鬼多燼七萬里壓天



整颺雷電光空閃閃好雨不雨風不風徒倚穹蒼  
作岩險男巫女覲更走魂焚香祝天天不聞必能  
使爾為潤澤洗埃氛而又變之成五色捧日輪將  
以表唐堯虞舜之明君

採蓮曲 補

越溪女越江蓮齊齒蒲雙婣媚嬉遊向何處採摘  
且同船浩歌發容與清波生漪漣時逢島嶼泊幾  
共鴛鴦眠襟袖既盈溢馨香亦相傳薄暮歸去來  
苧羅生碧烟

日日曲 補

日日日東上日日日西沒任是神仙客也須成朽  
骨浮雲滅復生芳草死還出不如千古萬古人塋  
向青山為底物

風琴引 補

接吳絲雕楚竹高托天風拂為曲一一宮商在素  
空鸞鳴鳳語翹梧桐夜深天碧松風多孤窻寒夢  
驚流波愁魂傍枕不肯去翻疑住處隣湘城薰風  
聲盡金風發冷泛虛堂韻難歇常恐聽多耳漸繁  
清音不絕知音絕

湘妃廟 補

湘烟濛濛湘水急汀露凝紅  
衰草濕蒼梧雲疊九疑深  
二女魂飛江上立相攜泣  
鳳蓋龍輿追不及廟荒松  
朽啼飛猩笳鞭迸出堦基  
傾黃昏一片陰風起新月  
如眉生闕水

弔汨羅補

落日倚闌干徘徊汨羅曲  
冤魂如可弔烟浪聲似  
哭我欲考龜鼉之心烹魚  
龍之腹爾既啖大夫之  
血食大夫之肉千載之後  
猶斯暗伏將謂唐堯之  
尊還如荒悴之君更有逐  
臣於焉葬魂得以縱其  
噬恣其吞



一一丈夫氣不是綺羅兒女言

贈念法華經僧 補

念念念兮入惡易念念念兮入善難念經念佛能  
一般愛河竭處生波瀾言公少年真法器白晝不  
出夜不睡心心綠經口綠字一室寥々燈照地沉  
檀卷軸寶函盛簷蔔香薰水精記空山木落古寺  
間松枝鶴眠霜霰乾牙根舌根冰滴寒珊瑚搥打  
紅琅玕但恐蓮花七朵一時折朵朵似君心地白  
又恐天風吹天花繽紛如雨飄聚散况聞此經甚  
微妙百千諸佛真秘要靈山說後始傳來聞者雖

多持者少更堪誦入陀羅尼唐音梵音相雜時舜  
絃和雅薰風吹文王武王絃更悲如此爭不遺空  
一碧中有龍來聽有鬼來聽亦使人間人聞者敬  
見者敬自然虛空性清淨此經真體即毘盧雪嶺  
白牛君識無

贈持法華經僧

補

衆人有口不說是即說非吾師有口何所為蓮經  
七軸六萬九千字日日夜夜終復始乍吟乍諷何  
悠揚風篁古松含秋霜但恐天龍夜叉乾闥象鬪  
塞虛空耳皆聳我聞念經功德緣舌根可等金剛

堅他時却火燃後神光璨。如紅蓮受持身心苟  
精潔尚能使煩惱大海水枯竭魔王輪幢自摧折  
何況更如理行如理說

謝徽上人見惠二龍障子以短歌訓之補

我見蘓州崑山佛殿中金城柱上有二龍老僧相  
傳道是僧繇手尋常入海共龍鬪又聞蜀國王局  
親有孫遇跡盤屈身長八十五尺游人爭者不敢  
近頭觀寒泉萬丈碧近有五羊徽上人閑工小筆  
得意新畫龍不誇頭角及鬚鱗只求筋骨與精神  
徽上人真藝者惠我雙龍不言價等閑不敢將懸

掛恐似葉公好假龍及見真龍却驚怕